

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (“Službene novine FBiH”, broj: 12/03; 34/03 i 65/13), člana 2. Uredbe o vršenju ovlašćenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala (“Službene novine TK”, broj: 11/05 i 11/18), i člana 6. Odluke o uslovima i kriterijima i postupku imenovanja u regulirane organe (“Službeni glasnik općine Srebrenik”, broj: 03/19), Gradsko vijeće Srebrenik objavljuje:

JAVNI OGLAS

za izbor i imenovanje Nadzornog odbora JP Vodovod i kanalizacija “SREBRENIK” d.d. Srebrenik

Objavljuje se Javni oglas za izbor kandidata za imenovanje članova Nadzornog odbora JP Vodovod i kanalizacija “SREBRENIK” d.d. Srebrenik, iz reda osnivača - Općina Srebrenik, 3 (tri) člana.

Nadzorni odbor JP Vodovod i kanalizacija “SREBRENIK” d.d. Srebrenik broji 5 (pet) članova, od kojih su tri člana predstavnici državnog kapitala (predstavnici osnivača - Općina Srebrenik), a dva člana predstavnici privatnog kapitala.

Konačni izbor članova Nadzornog odbora vrši Skupština ovog Javnog preduzeća.

Izabrani Nadzorni odbor bira predsjednika iz reda svojih članova.

Mandat predsjednika i članova Nadzornog odbora je četiri godine uz mogućnost ponovnog imenovanja.

I – OPIS POZICIJE

Nadzorni odbor JP Vodovod i kanalizacija “SREBRENIK” d.d. Srebrenik nadležan je da :

- nadzire rad uprave i poslovanje preduzeća,
- priprema poslovnike i etički kodeks i predlaže ih skupštini na usvajanje,
- vrši izbor kandidata odbora za reviziju i podnosi prijedlog skupštini za njegovo imenovanje,
- razmatra provedebni propis za postupak nabavke i nadzire njegovo provođenje,
- daje mišljenje skupštini o prijedlogu uprave za raspodjelu profita i predlaže način pokrića gubitaka,
- imenuje i razrješava članove uprave u skladu sa postupcima utvrđenim u poslovniku društva te važećim propisima,
- daje ovlaštenja za aktivnosti koje su ograničene Zakonom o javnim preduzećima,
- daje upute članovima uprave za provođenje uviđaja u vezi sa uočenim nepravilnostima,
- podnosi skupštini godišnji izvještaj o poslovanju preduzeća, koji obavezno uključuje izvještaj revizora, izvještaj o radu nadzornog odbora, odbora za reviziju i plan poslovanja za narednu godinu u okviru postojećeg i revidiranog plana,
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije,
- vrši i druge poslove utvrđene zakonskim propisima i Statutom preduzeća.

Predsjednik Nadzornog odbora saziva i rukovodi sjednicama Nadzornog odbora, stara se o pripremi materijala za sjednicu Nadzornog odbora i o izvršenju akata Nadzornog odbora i obaveza prema Općini Srebrenik, te obavlja i druge poslove utvrđene zakonom, pravilima i drugim aktima preduzeća.

Član Nadzornog odbora prisustvuje sjednicama Nadzornog odbora, učestvuje u radu i donošenju odluka Nadzornog odbora, te obavlja i druge poslove utvrđene zakonom, pravilima i drugim aktima preduzeća.

Konačno izabrana lica u Nadzorni odbor imat će pravo na naknadu za rad u reguliranom organu, a u skladu sa važećim propisima.

II - USLOVI ZA IMENOVANJE

Kandidati koji apliciraju za poziciju iz tačke I. ovog oglasa moraju ispunjavati sljedeće opće i posebne uslove kako slijedi:

A – OPĆI USLOVI :

1. da su državljeni Bosne i Hercegovine,
2. da su stariji od 18 godina,
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljanja oglasa,
4. da se na njih na odnosi član IX. 1. Ustava Bosne i Hercegovine,
5. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (“Službene novine FBiH”, broj: 12/03; 34/03 i 65/13),
6. da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u organima vlasti u Federaciji Bosne i Hercegovine (“Službene novine FBiH”, broj: 70/08),
7. da nemaju privatni interes u ustanovi u kojoj se kandidiraju u smislu člana 2. Zakona o ministarskim, vladinim i drugim imenovanjima u Federaciji Bosne i Hercegovine.

B – POSEBNI USLOVI :

1. da imaju VSS VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ECTS bodova),
2. da imaju najmanje 3 (tri) godine radnog iskustva u struci nakon sticanja visoke stručne spreme,
3. da nisu članovi upravog ili nadzornog odbora, odnosno odbora za reviziju nekog privrednog društva ili institucije,
4. da posjeduje certifikat o završenom usavršavanju predsjednika i članova nadzornih odbora i uprava privrednih društava sa učešćem državnog kapitala, u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Sl.novine F BiH“ br: 71/09, 33/10, 23/11, 83/11, 2/13, 80/13 i 48/15). Ukoliko izabrani kandidat ne posjeduje navedeni certifikat dužan je isti pribaviti u roku od 6 mjeseci od dana imenovanja.
5. da nisu osuđivani za krivično djelo ili za privredni prijestup nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
6. da im nije pravosnažnom presudom suda zabranjeno obavljanje aktivnosti na poziciji na koju se kandiduju,

III – POTREBNA DOKUMENTA

Pismena prijava sa kraćom biografijom kandidata treba da sadrži adresu stana, kontakt telefon, te dokaze koji se prilaže uz prijavu na javni oglas u orginalu ili ovjerenoj fotokopiji i to:

- uvjerenje o državljanstvu (ne starije od 6 mjeseci),
- izvod iz matične knjige rođenih,
- dokaz o školskoj spremi,
- dokaz o radnom iskustvu,
- uvjerenje nadležnog organa o učešću u OS BiH u ratu 1992-1995. godina.

Kandidati koji uđu u uži izbor, a prije obavljenog intervjeta, izjasnit će se potpisivanjem posebne izjave o ispunjavanju uslova navedenih pod tačkom A pod rednim brojem 3 do 7, te B pod rednim brojevima 3 i 4.

Kandidati zaposleni u organima državne službe (državni službenici), koji uđu u uži izbor i budu pozvani na intervju, dužni su priložiti rješenje kojim im je data pismena saglasnost rukovodioca organa državne službe, za obavljanje dopunske djelatnosti.

Kandidati koji budu konačno imenovani na oglašenu poziciju, dužni su u roku od 8 (osam) dana, od dana imenovanja, dostaviti dokaze nadležnog organa:

- da nisu osuđivani za krivično djelo ili za privredni prijestup nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
- da im nije pravosnažnom presudom suda zabranjeno obavljanje aktivnosti na poziciji na koju se kandiduju.

IV – KRITERIJI ZA VREDNOVANJE KANDIDATA

1. stepen obrazovanja,
2. struka,
3. radno iskustvo,
4. znanje pokazano na intervjuu i
5. učešće u oružanim snagama BiH u ratu 1992-1995. godina.

V – DODATNA POJAŠNJENJA

Javni oglas će biti objavljen u “Službenim novinama FBiH”, dnevnom listu “Oslobođenje”, te na web stranici Općine Srebrenik, a bit će otvoren 14 dana od dana objavlјivanja, računajući od dana posljednjeg objavlјivanja.

Prijave sa potrebnom dokumentacijom mogu se dostaviti lično putem pisarnice Općine Srebrenik ili preporučenom poštom u zatvorenim kovertama na sljedeću adresu: Općina Srebrenik, Općinsko vijeće, Komisija za izbor u regulirane organe, Ul. Varoških polja, 75350 Srebrenik (sa naznakom: “Prijava na Javni oglas za izbor u Nadzorni odbor JP Vodovod i kanalizacija “SREBRENIK” d.d. Srebrenik – ne otvarati”).

Sve prijave koje stignu u propisanom roku pregledat će Komisija za izbor u regulirane organe imenovana od strane Općinskog vijeća. Komisija poziva na intervju sve kandidate koji su ušli u uži izbor, nakon čega sačinjava rang listu kandidata, koju sa izvještajem o provedenom postupku dostavlja Komisiji za izbor i imenovanja. Na osnovu prijedloga Općinskog vijeća konačan izbor članova Nadzornog odbora ovog Javnog preduzeća vrši Skupština dioničara JP Vodovod i kanalizacija “SREBRENIK” d.d. Srebrenik .

Bilo koji kandidat i zainteresovano lice ima pravo podnijeti prigovor na konačno imenovanje, ako smatra da se u procesu imenovanja nisu ispoštovali principi utvrđeni zakonom.

Prigovor se podnosi istovremeno Općinskom vijeću kao odgovornom javnom službeniku, a kopija prigovora se dostavlja Ombudsmenu za ljudska prava BiH.

Neblagovremene i nepotpune prijave neće se razmatrati.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENIK
Gradsko vijeće

PREDSJEDAVAJUĆI
GRADSKOG VIJEĆA:

Anto Marković, s.r.

Broj: 01-421/19
Datum, 12.07.2019. godine